



Inatsisartuni ilaasortaq Andreas Uldum, Demokraterne
c/o Inatsisartut Allattoqarfia
3900 Nuuk

Besvarelse af § 37 spm.nr. 028/2014

Ulloq 30. januar 2014 imaattunik Naalakkersuisunut apeqquteqarsimavutit:

1. Naalakkersuisut Siulittaasuata uppersarpaa, immikkut siunnersortit, Naalakkersuisut atorfinitsinniarlugit aalajangiussimasaat, aamma Naalakkersuisoqatigiit partiivinnut suleqataasassasut.

Takusinnaasakka naapertorlugit tamanna politikikkut sulinermit aningaasatigut tapiisarneq pillugu Inatsisartut inatsisaanni § 1 imm. 4-mi aalajangersakkanut erstittumik sanioqutaarinerupput, tassani ersarissumik oqaatigineqarmat, Namminersorlutik Oqartussat taamaallaat politikikkut sulinermit tapiinnaatitaasoq, tamanna inatsimmi ersarissumik tunngavissaqarpat. Kaajallaasitaq inatsisaanngilaq allaffissornermili najoqqutassaavoq. Tamanna tunngavigalugu paaserusuppara:

- a. Naalakkersuisut Inatsisunik atortitsinermit allaffiata imaluunniit Naalakkersuisut eqqartuussissuserisuata tamanna isummerfigisimaneraat kaajallaasitaq Naalakkersuisunit akuerineqartinnagu?
- b. Taamaassimappat taava takku ajornartorsiummut qanormita oqaaseqarsimappat?
- c. Naalakkersuisut, ajornartorsiut misissorneqarsimangippat, allaffeqarfik qinnuiginiarnerlugu immikkut siunnersortinik atorfinitsitsisarneq pillugu kaajallaasitaq utertinneqassasoq suliaq misissorneqarsiillugu taamatullu kaajallaasitap nutaap, inatsisunik unioqqutsinertaqanngitsup, atortussanngortinnissaata tungaanut?

2. Naalakkersuisut isumaqataanerlutik, naammangitsoq aningaasanut inatsimmi missingersuutunik tunngaviiliisoqarnissaa, politikikkut sulinermit tapiissutit pillugit Inatsisartut Inatsisaat unioqqutinniarlugu, takuuk Inatsimmi § 1-mut imm. 4-mut oqaaseqaatit kingullit?

Tunngavilersuut:

2009-mi akuerseqataaffigaara Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaat nr. 16 3. december 2012-meersooq. Akuersinermi tassani inatsisartut tamarmiullutik akueraat ilaatigut inatsimmut imatut ilassusiisoqassasoq:

Imm. 4. Kalaallit Nunaanni Namminersorlutik Oqartussat partiinut, kattusseqatigiinnut kisimiillutilluunniit qinigaasunut aningaasatigut toqqaannartumik

03-02-2014
Sags nr. 2014-095557
Dok. nr.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

toqqaannangikkaluamilluunniit tapiissuteqarsinnaangillat, tamanna inatsimmi matumani inatsimmiluunniit allami erseqqissumik tunngavissinneqarsimangippat.

Aalajangersakkanut oqaaseqaatini allassimavoq ” Inatsisartut inatsisaat naapertorlugu Kalaallit Nunaanni Namminersorlutik Oqartussat partiinut, kattusseqatigiinnut kisimiillutillu qinigaasunut aningaasatigut tapiissutigisinnaasaat tamakkiisut tassani erseqqissaatigineqarlutik”.

Aamma allassimavoq:

Aalajangersakkakut aalajangersarneqarpoq Namminersorlutik Oqartussat toqqaannartumik toqqaannangikkaluamilluunniit aatsaat tapiissuteqarsinnaasut, tamanna inatsimmi erseqqilluinnartumik tunngavissinneqarsimappat, tassunga ilanngullugit Inatsisartut inatsisaanni aalajangersakkat sinneri kiisalu inatsisit allat, soorlu aningaasarsiaqartitaanermut inatsit. Missingersuutit ileqquliussalluunniit aqqutigalugit tunngavissiisoqarsimappat tamanna naammangilaq.

Aningaasatigut toqqaannartumik tapiissuteqarnerup saniatigut aningaasatigut toqqaannangikkaluamik iluaqtissinneqarnermut, soorlu pitsaasumik atugassaqartitsilluni taarsigassarsinermut qularnaveeqqusiinermullu kiisalu sullississutinut, pigisanut atuisinnaatitaanernulluunniit akeqanngitsunut imaluunniit akinut akikinaakkanut aalajangersagaq aamma tunngassuteqarpoq”.

Inatsit allatut oqaatigalugu paatsoorneqarsinnaangilaq. Toqqaannartumik toqqaannangitsumilluunniit politikikkut partiinut imaluunniit politikikkut sulinermut aningaasanik tapiisoqarsinnaangilaq, tamanna pisinnaavoq aatsaat Inatsisartut inatsisaanni allassimappat taamatut tapiisoqarsinnaasoq.

Naalakkersuisulli kaajallaasitaq, allaffissornermi malitassiaq akuerisimavaat. Kaajallaasitarli Inatsimmut naleqqiullugu allarluinnaavoq. Naalakkersuisut tamanna tunngavigalugu § 37 naapertorlugu apeqqutit Inatsisartuneersut arlallit akisimavaat.

Sara Olsvigimut akissummi, ulluleneqarsimasumi 23. januar 2014, kingullermik oqaatigineqarpoq immikkut siunnersortit Naalakkersuisut tunuliaqutaannut partiinut naalakkersuisoqarfimmullu attaveqataasussaasut. Apeqqummut nr. 2 –mut akissummi toqqaannartumik allassimavoq, suliaq taanna atorfilinnit isumagineqarsinnaangitsoq. Pissutaalluni suliap politikkimut attuumassuteqarnera.

Tamanna uppersarneqarpoq apeqqutinut 3-mut aamma 5-mut akissutini, allassimamat immikkut siunnersortit partiit Naalakkersuisunut tunuliaqutaasut, sulinerannut suleqataasasut.

Allatut oqaatigalugu takuneqarsinnaavoq, kaajallaasitami allassimasut politikikkullu sulinermut tapiisarneq pillugu Inatsisartut Inatsisaanni allassimasut akerleriittut,

kaajallaasitap ammaammagu Naalackersuisuutitaqartut partiivinut annertuumik toqqaannartumik tapiisoqartalissasoq.

Sara Olsvigip apeqqutaanut 1-mut akissummi qulaaniittumi Naalackersuisut Siulittaasuat oqarpoq, Naalackersuisut allaffeqarfiini atorfinitsitsinissaq aningaasanut inatsimmi inatsisitigut tunngavissaqartoq. Taamaasilluni Naalackersuisut Siulittaasuat isumaqarsimagunarpoq, taamaasilluni immikkut siunnersortinik atorfinitsitsisoqarsinnaanngortoq. Tamannali ersarissumik kukkuneruvoq, inatsimmut oqaaseqaatini qulaani atuarneqarsinnaasuni allassimammat " Missingersuutinik imaluunniit pisartunik tunngaveqarnissaq naammangitsoq" partiit politikikkut sulinerannut toqqaannartumik toqqaannangitsumilluunniit tapiissugteqarnissaq.

Amigarlunnartutut isigaara, Naalackersuisut Siulittaasuata takusimanngimmagu Inatsisartut akuerisimasaannut Inatsimmut naleqqiullugu akerliullunnartumik pisoqartoq. Tamanna tunngavigalugu apeqqutit saqqummiuppakka akeqqullugit ullut sulliviit nalinginnaasut qulit iluanni.

Apeqqut 1: Naalackersuinikkut sulinermut aningaasatigut tapiissuteqartarnek pillugu Inatsisartut inatsisaata nr. 1-ip, 31. maj 2001-imeersup kingusinnerusukkut allanngortinneqartup, tassunga ilanngullugu Naalackersuinikkut sulinermut aningaasatigut tapiissuteqartarnek pillugu Inatsisartut inatsisaata allanngortinneqarneranik Inatsisartut inatsisaat nr. 16, 3. december 2009-meersukkut partiit aningaasaqarnerisa Inatsisartut allaffeqarfiata missingersuutaanit immikkoortinneqartarnerat aalajangersartarpaat.

2009-mi inatsisip allanngortinneqarnerata siunertaraa, aningaasat Nunap Karsianit partiit politikikkut sulinerannut Inatsisartullu allaffissornerannut atugassanngortinneqartartut killeqarnissaasa ersarissarneqarnissaasa nassuiarluarneqarnissaasalu qulakkeerneqarnissaat. Inatsisissatut siunnersuummik ilaatigut nassataraa, partiit allaffissornermi sulisuinik, soorlu partiimi siunnersortinik sulisunillu allanik partiit allattoqarfiisa ataaniittunik atorfinitsitsineq, soraarsitsineq kiisalu akissarsianik sulisunillu allaffissornikkut sulisoqarnek politikikkut partiinut sulisitsisuulersunut tunniunneqarmata.

Soorlu § 37 naapertorlugu apeqqummut akissutinni 004/2014-imi immikkut ittumik siunnersortip suliaasa ilagaat partiimut attaveqarnek. Taamatuttaaq kaajallaasitami allaqqavoq, immikkut ittumik siunnersorti partiimi ataatsimiinnerni peqataasassasoq, ataqatigiissaarinerit politikkimut attuumassuteqartut isumagisassagai aamma Naalackersuisut partiinit assigiinngitsuneersut naalackersuisuutitaqartut akornanni ataqatigiissaarisassasoq.

Apeqqutinni ilaatigut allapputit, kaajallaasitaq aqutigalugu partiit
Naalackersuisuutitaqartut annertuumik toqqaannangitsumik taperneqartalernissaat
aammaanneqassasoq, immikkullu ittumik siunnersortit partiinut
Naalackersuisuutitaqartunut partiip suliassaanik sullisseqataasassasut. Taamatut
oqarneq kaajallassitami tunngavissaqanngilaq.

Immikkut ittumik siunnersorti toqqaannartumik partiimi sulinermi akuusussaangilaq
partiillu allattoqarfiata ilitersuussinera malittusaaanagu. Immikkut ittumik
siunnersortit atorfeqartitaanerminni naalackersuisoqarfinni inissisimassapput,
allaffissornikkullu naalackersuisoqarfiup aqutsinerani akisussaaffigineqarlutik.
Taamaattumik Inatseqarnermut Immikkoortortaqarfik isumaqarpoq, immikkut ittumik
siunnersortinik aaqqissuussineq Inatsisartut inatsisaannut nr. 1-imut 31. maj 2001-
imeersumut, kingusinnerusukkut allanngortinneqartumut akerliusoq.

Apeqqut 2: Apeqqummut 1-imut akissutinnut innersuussivunga.

Inussiarnersumik inuulluaqqusillunga



Aleqa Hammond

Naalackersuisut Siulittaasuat